



TSHISHE-PISHIM^U

ALUASH PISHIMUSS

2021

E NASHEKANITSH NE TSHE AITUNANUATSH NELU UTIPELIMITISHUNUAU PEKUAKAMIULNUATSH

*Nupushupalin mak nikapatan ne e nashekanitsh aishkatsh
tshitilniunu tshilnanu Peikuitsh ka isilniuik!*



ATUSSSEUN 4

U TIPATSHIMUNUA-MASHINAIKAN KA
MAMU ATUSSESHTIKAU
TIPELIMITISHUN

UTAIMUNUAU KA MAMU ATUSSESHTIKAU

Kuei,

Shash ume tshipapilunanu ne atusseun 4 ne kaui tipelimitishuta Pekuakamiulnuatsh. Tshika tshitshue issishuemikan ne ka nashekanitsh atusseun 4 ka nanitu tshisselimakanita ilnuatsh usham tshika mamu aiminanu tshe tshitapatamuk nehi tshitshatshue aimuna ka mashinataikanitsh mak tan miام eshinakuatsh ne kaui tipelimitishuik the aiahtsh mishkutshapalitsh ne mak tshika e tatu shutashimimakan shkan pipun 2021.

Muk tapue nika nashenan ne tan tshe ishpalitsh mishtakushun COVID-19 ka ishnikatetsh ekuan ne tshe tshisselitamatsh tan miام tshe nanitu tshisselimakuiek eshk minuatsh tshe utinamatsh tshitaimunuau kie ne kau tshe milupalitsh tshish akushunananuatsh nipukushelitenan tshe nitshishkakuiek.

Nitshi tahtepanenan ne atusseun neu tshetshi nishtuitsh atusseshtakanitsh :

Tipatshimun kie mishta-mamuatusseun
«Nikapatan»

Tshishe-pishim^u aluash
Uinishkupishim^u 2021

Tan miام tshipa ishinakuan mak tan miام tshe nashekanitsh
«Aiatsh katak nitukushin e kapatakan»

Shiship-pishim^u aluash
Shetan-pishim^u 2021

Nituhtuakanuatsh nitshenatsh ka ui pashitinaka u taimunau
«E mitapanuatsh kapatakan»

Uashtessiu-pishim^u aluash
Pishimuss 2021

Ekuan ne tshishthue tshe ui utahtanamuk neme shiship-pishim 2022 ne tshe tapuelitamuk tshitipelimitishunu. Ne tshetshi takuatsh tshishutshelimitishunu nipukushelitenan tshe mihtshetita Pekuakamiulnuatsh e pushupalita kie mishta-mamu atusseta ne tshe nashekanitsh atusseun 4 mak tshui uitamatanan tshe aitunanuatsh tshetshi nituhtakuiek ne tshe issishueiek.

Tshuishamatunan tshe pushupaliek e nashekanitsh ne tshe aitunuatsh usham ekuan ne aishkatsh tshitilniunu Tshilanu Peikuitsh ka ishilniuik.

KA ATUSSESHTIKAU TIPELIMITISHUN



Jay
Launière-Mathias



Patrick
Courtois



Hélène Boivin
(Ka nikau uilakanit)




Stacy
Bossum



Élizabeth
Launière



Gilbert
Courtois



Daren
Germain

ALU KA UAPATAKANITSH NEHI ATUSSEUNA 1, 2 MAK 3

ATUSSEUN 1

Ushkatsh aimun tshe tshisselitakuatsh tshekuan tshe
alamutakanitsh, ushkatsh e ashpitishimunanuatsh,
uelutishiuna, tipelitamuna tshetshi tshishtin tutakanitsh

USHKAHU-PISHIM^U
ALUASH PISHIMUSS 2019

- Apitelitakuan nehlueun kie takuan tshetshi tshishpeuatakanitsh muk tukuan tshetshi eka tapan alakanita nitshenatsh eka ka nehlueuta. Takuan tshetshi ashpitashamuik ne nehlueun nite Tshitipelimitishunu uesh ekun nite uhtshipalitsh tshilniunu.
- Eshpish uelutishimimakatsh tshitapatshimunu ekut nite tshipa ashpatshimunanu mak e nashemuk u nametaunuau tshitanishkutapaminuatsh tshetshi etatu nukuatsh aishkatsh tshilniunu nite Tshitipelimitishunu.
- Peikuimimakan ne tshitassiu ashitsh ne tshitilnu-aitunu ekuan ne uetsh takuatsh tshetshi tapuetakanitsh kie tshishpeuatakanitsh.
- Nehi tshielutishiunu ekuan taship katshi issishuemakatsh tan ishinashushik kie eshk kashikatsh tshitapishtanu (ne issishuemakan nite Takuhikan mashinaikan Pekuakamiulnuatsh utilnu aitunuau).
- Pekuakamiulnuatsh ilnussihtsh ka apita makie ahtsh tapue tshishtin ui tutamuatsh kie tshisselitamuatsh eshi tshitapamatishuta nelu tshe pushupalitau. Tshipa takuan ne Tshitipelimitishunu uishamat Pekuakamiulnuatsh tshetshi tshishtin tutika mak nelu eshi tshitapamatishuta.
- Ka tshish tshitapahtakanitsh mak mamushatakanitsh aimuna, alimin tshe milu-uehtshinanuatsh, e
Tshitepiletimishunu. Muk nitshisselitenan alu mihtshetuatsh nitshenatsh ka pukushelitika tshetshi nashamuk patama ne Umishta-aimunuau nitshenatsh Nations unies ka ishinakashuta nelu kassinu ilnuatsh assitsh utipelimitishunuau muk peikuan apu uhpime tshipa ashtakanu ne tipelimitishun- mashinaikan uhtsh Canata assi mak kakusseshatsh.

ATUSSEUN 2

E tipelitakanitsh kie tipelitamuna

(Tanite mashinashuta mak tanite uehtshinanuatsh, e
milu-matinunuanuatsh tipelitamuna, eishi nashekanitsh
tshetshi mashinatutishunuanuatsh e utshimaukanuatsh,
Tshishe-utshimau takuhikan).

TSHISHE-PISHIM^U ALUASH
UINISHKUPISHIM^U 2020

- E tapuetatishunuanuatsh eshi pamipalinuanuatsh miam tshilanu Ilnuatsh Peikuitsh ka ishilniuk ute Mashteuatsh issishuemikan ne kassinu Pekuakamiulnuatsh tshe ushkuishtika tshe utanaka, kie tshetshi uitishiueta mak e pushupalita ne tshe atusseshtakanitsh nehi ka ui kashtenamuk tshilanu Ilnuatsh Peikuitsh ka ishilniuk. Nehi Tshishe-utshimau e tipelitak takunilu tshetshi pashtinaka ne tshe eshi atusseshtakanitsh tshetshi utinika, uitishiueta mak pushupalita Pekuakamiulnuatsh.
- Tshetshi takuatsh takuhikan-tipelitamun miam nehi nehlueun, tshitilnu-aitunu, e ishinakushik miam pekuakamniulnu, tshitassiu, tapishkuatsh e miluanuatsh eshi ilnuatsh, peikutenu, tshishkutamatun mak uashka assi.
- Pukushelitakanu tan miam tshe uitishiuet tshetshi pushupalinuanuatsh e mamuhitunuanuatsh kie e aiminuanuatsh.
- Aiatsh tshe milupalitsh ne eshi tutakanitsh e anuelimakanita ka takuhimatsheta eka kuisk katutika utatusseunuau.
- Takuan tshetshi uihtakanitsh tan miam tshipa tutakanu e ui uitishakanita kassinu Pekuakamiulnuatsh tshetshi alu pushupalita e mashinaitutishunuanuatsh e utshamakanuatsh.
- Pukushelitakanu tshetshi takunalitsh utapunuau Pekuakamiulnuatsh aihtsh ka apita muk tshetshi etatu tata ilnuatsh ute ilnussihtsh ka apita.
- Alu tshetshi nukushita tshisheu-tshimautahtsh nanahku ka uhtshapalita ilnuatsh (peikutenu, ka auassiuta, tshishelnuatsh, Katipelitaka tshitassiu, mak kutaka...).
- Nite Mashteuatsh patama tshipa uhtsh takuhimatshanun muk ashitsh kie tshetshi takuatsh miam nehi ka uhtsh uitishata uitshilnimau.

ALU KA UAPATAKANITSH NEHI ATUSSEUNA I, 2 MAK }

ATUSSEUN }

Uueeshtashun mishue tshitassinahtsh, tshetshi pushupalinanuatsh e mamuhitunauatsh, atusseun kie milu-uitsheutuna, tshetshi takuatsh tshe nashekanitsh ua mishkutunekanitsh aimuna, aiashku utinakanitsh tshetshi ishpalitsh.

USHKAHU-PISHIM^U
ALUASH PISHIMUSS 2020

- Shuk tshetshi uihtamuk kie etatu nashamuk tshitipelimitishunu tshitassinahtsh.
- Takuau tshetshi apishtakanitsh ne eshi ilniut ilnu nutshimihtsh ne tshe uhtsh atusseik tshilanu llnuatsh Peikuitsh ka ishilniuk ashitsh ne atamihtsh assi ka takuatsh kie takuhtsh assi uelutishiuna ashitsh ne tshe uilakanita ka takuhtsheta kie tshika takunilu utapunuau nitshenatsh Katipelitaka tshitassiu ne tshe tata ka uilakanita tshe atussehtika nelu.
- Takuau tshetshi matunuematishuta tipelitamuna ka shutshipalitsh ne Tshitassiu ashitsh anitshenatsh Katipelitaka tshitassiu. Takuau iluua tshetshi uishamakanita ne tshe atussehtakanitsh atamihtsh assi ka takuatsh kie takuhtsh assi uelutishiuna mak nuhtshimiu-ilniu. Takunilu tshetshi pushupalita kie ne tshe mishtuapalitanitsh tshitassiu.
- Pukushelitaku tshetshi takuhtshauatsh aihtsh ilnussihtsh mak mishue Tshitassiatsh.
- Uapatakanu ne mamu-atusseun kie takuan tshetshi milu-uitsheutunauatsh ashitsh kutaka llnuatsh Peikuitsh ka ishilniuta kie e tatu ashitsh ilnuatsh.
- Pukushelitakanu tshetshi takuatsh tshitapunu kie nukushik tshilanu Pekuakamiulnuatsh mak tshetshi makie mishkutuapishtukanita.
- Tshimatakanitsh tan miem e tutakanitsh tshetshi pushupalita kassiu ilnuatsh ilnussihtsh kie aihtsh.
- Eshi utshamakanauatsh miem ne eka e pashtanik auen utishinikashun e uihtakanitsh pisse tapan e atussehtakanitsh kie uss maminutelitamuna tshi uluitishanaku.
- Ishipatelimakanauatsh ka takuhimatsheta mak ui tapuetakanu e apishtakanitsh kutaka ne tan miem tshe tutakanitsh e pushupalinanuatsh e mamuhitunauatsh.
- Ui tapuetakanu kie tshe kanuelitakanitsh mashinaikaniss e utshimakanauatsh muk tukuan tshetshi milu-tshitapakanitsh tshetshi eka kassiu ashenakanita ka tukuhimatsheta muk pahpeik tshi ashenakanita.
- Tshe nashekanitsh ua mishkutunekanitsh aimuna petshikatshish tshika tutaku kie mak aiahtsh tshika shutshapalu. Pissem uitamupanitsh tshetshi kau tshitapahtakanitsh taship katshi patetatsh pipuna.
- Petshakatshish tshipa ushtakanu ne tipelimitishun. Tshishkutamatun, tshe tshishkutamuakanita ilnuatsh tshi uihtakanu ashitsh ne tshe ushtakanitsh.

Uihtamun: Nene ka nanitu tshisselimakui Pekuakamiulnuatsh nuapatetan e mihtshetuta ilnuatsh ui tapuetika ne ilnuatsh ishilniuk mauatsh ne ilnuatsh Peikuitsh ka ishilniuk. Ekuan ne mak aimun tshe apishtakanitsh mishue nite tshe mashinaitamatsh mashinaikan. Kie ekuan ne aimun tshe tshishtin apishtakanitsh tshe utinamuk tshitipelimitishunu.



ATUSSEUN 4

TSHISHE-PISHIM^u ALUASH UINISHKUPISHIM^u 2021

UIHTAMATUNA MAK MISHTA-MAMU ATUSSEUN

<< NIKAPATAN >>

Nitshi uapatenan nene ka atussehtamatsh nehi patama nisht^u atusseuna mihtshetuatzh ilnuatsh e kukuetshimuta tshetshi alu milu-nishtitika tshekuan ne miam tipelimitishun ka ishinikatetsh kie nehi atusseuna makie u mashinaikainuau ka atusseshtika Tipelimitishun makie muk tan miam eshi pamipalitsh ui tshishtin tutakanitsh tshekuan ilnussihtsh.

Ekuan ne uetsh katshi tapuetatishiats h ne tshe tshitshapelitakanitsh atusseun 4 tshe alu uihtamatsheiatsh mak tshetshi mishta-mamu atusseunuatzh kie nika uluitishenenan nitshishkatuna tshetshi kau uihtakanitsh tan ishpish apitelitakuatzh mak nehi ashpitashimuna ne e nashekanitsh tshe aitunauatzh kie tshika tshinuemakuatzh nelu kaui nanitutshisselitika Pekuakamiulnautsh.

Nika ashushtanan kukuetshimuna kie tshika tshinuenamatinan nite ka pishtanamatsh nitaimunan nilan kuhpanieshatsh nite ka atusseu-tshitapatakanitsh Web ka ishinikatetsh mak tshuishamatinan tshetshi tapuatamek. Tshipatshi kie tshiluau uihtamunan tshikukuetshimunuau nika mashinaitenan nite.

Eshk kie tshimilatinan nite ka atusseu-tshitapahtakanitsh ui tapuatamek nehi nitapatshimunan miam ne Facebook ka ishinikatetsh kie ne nite uimashitatutishiek tshetshi kashtinamek nitaimunan kie kutaka e apatetsh miam ne tauapekaikan kaimimakatzh mak ne nitapishtanan mashinaikanitshuap e itashamatshatsh ne e ui uihtamatatsh tshetshi mishta-mamu atussanuatsh mihtetsh ilnuatsh ne ka mamu nashemuk ka ui tipelimitishuik tshilanu Pekuakamiulnuatsh.

EKA PITAHIKANITSH TSHE AITUNANUATSH

Mashtel-atushkan 30
Tshishe-pishim^u tshe

10:00

e tshetshishepaushitsh

Pehtakushuatsh nite Facebook ka ishinikatetsh kie tauapekaikan ka imimakatzh CHUK 107,3

Tshika mishta-aitunanun ne ilnutshimau Clifford Moar mak François Tremblay, ka uihtamatshesht ka tapishkuatzh e miluanuatsh eishi ilniunauatzh tshika mamu-atusseuatsh ashitsh nitshenatsh Ka atusseshtikau Tipelimitishun nelu tshika uihtamuatzh nehi ashpatashimuna kie ispishtash apitelitakuatzh ne e nashekanitsh ne tshe aitunauatzh. Tshika patshi uapamauatzh nite ka atusseu-tshitapahtakanitsh ashitsh ne Zoom ka ishinikatetsh.

Kau tshika pehtakushuatsh nite CHUK-FM mak nite ka atusseu-tshitapahtakanitsh nelu uiluau kuhpanieshatsh Ka atusseshtikau Tipelimitishun.

ATUSSEUN 4

TSHISHE-PISHIM^u ALUASH UINISHKUPISHIM^u 2021

UIHTAMATUNA MAK
MISHTA-MAMU ATUSSEUN

<< NIKAPATAN >>

EKA PITAHIKANITSH TSHE AITUNANUATSH

Tetau-tshishikatsh 3
mitshishu-pishim^u

6:30 e utakussitsh

Mashtel-atushkan 27
mitshishu-pishim^u

10:00 e tshetshishepaushitsh

Mashtel-atushkan 13
mitshishu-pishim^u

10:00 e tshetshishepaushitsh

Tetau-tshishikatsh 3
uinishkupishim^u

6:30 e utakussitsh

Tetau-tshishikatsh 17
mitshishu-pishim^u

6:30 e utakussitsh

Mashtel-atushkan 13
uinishkupishim^u

10:00 e tshetshishepaushitsh

Kutuassituau nitshishkatunanun nite ka atusseu-tshitapahtakanitsh ne tshe alamutakanitsh kutaka tshekuanahi tshipa maminelitakanu ne ushkatsh tshe apishtakanitsh ne ka ui tipelimitishui mak kutaka ka atuesshtikau nitshenatsh kuhanieshatsh mak ka uishamata tshika mamu aimuatsh tshetshi tshinuemakuek ne kaui tshisselitamek tshetshi aiatsh milu-nitshishtutakanitsh ne e nashekanitsh ne tshe aitunantuatsh mak ispish apitelitakuatsh tshe utanamuk tshitipelimitishunu.

Ishpish apitelitakuatsh ne tipelimitishun

Ne tshe mashinaitetsh nite utipelimitishun-mashinaikanauau Pekuakamiulnuatsh

Tshitshue e mishta-mamu atusseta Pekuakamiulnuatsh

Tshitassiu

**PISSE AIMUNA
TSHIPATSHI
ALAMUTAKANU**

Nanakatshik ne ka atusseu-tshitapahtakanitsh ne ka mashinaitamatsh nitaimunan mak ne Facebook ka ishnikatestsh ashku ni pishtenenan aimuna tshetshi nishtunakanitsh tan eshpish tshe nitshishkatunuatsh mak tshetshi pushupalinanuatuatsh.

ATUSSEUN 4

SHISHIP-PISHIM^U ALUASH SHETAN-PISHIM^U 2021

TAN MIAM TSHIPATSHI ISHINAKUAN MAK TAN TSHE ESHI NASHEKANITSH

<< AIATSH KATAK NITUKUSHIN
E KAPATAKAIAN >>

Katshi tshitapahtakanitsh aimuna, Ka atusseshtikau Tipelimitishun tshika nanitu tshisselimumkuau shiship-pishim^U aluash Shetan-pishim^U e shakassinitaiek mashinaikana, kueketshimuna makie nitshishkatuna tshetshi alamatakanitsh tshekuan miam tshipa mashinaiteu. Ne tshe nanitu tshisselimakuiek tshika alamatakanu tan eishi tipelimitishunantuash Tshilanu Peikuitsh ka ishilniuk mak e pushupalita Pekuakamiulnuatsh.

**PISSE AIMUNA
TSHIPATSHI
ALAMUTAKANU**

- Tan miam e ishinakuatsh tshisheu-tshimautahtsh ne alu tshe nashakuik ne e apishtaik e ishilniuta Pekuakamiulnuatsh
- Ushkatsh tshe tshimatakanitsh u tapishkuatsh milakanita eshi ilniuk Tshilanu Peikuitsh ka ishilniuk
- Tan miam tshe eshi utshamatsheik tshilanu Peikuitsh ka ishilniuk
- Nukushita kie takunilitsh utapunuau Pekuakamiulnuatsh nite Tshishe-tshimau e tipelitak
- E tapuetatishunantuash eshi pamipalinantuash miam Tshilanu Ilnuatsh Peikuitsh ka ishilniuk ute Mashteuiatsh
- Tan miam tshe pamipalitsh ne tshe mashinatutishunantuash tshe ui taputakanitsh tshitipelitishunu

Ne tshe nanitu tshisselimakanita Pekuakamiulnuatsh ui tutamuatsh ka atussehtikau Tipelimitishun tshetshi naushunakau nite tshitshisheu-tshimaunu mak nehi pisse ka uihtakanitsh mak tan miam tshipa ishinakuan ne tshe mashinaikanashtakanitsh ne ka nashekanitsh tipelimitishun.

UASHTESSIU-PISHIM^U ALUASH PISHIMUSS 2021

NITSHISHKATUNANUN E PEHTUAKANITAU ILNUATSH

<< E MITAPANUATSH KAPATAKAN >>

Tshe tshishtuakanit uashtessiu-pishim^U 2021, Ka atussehtika Tipelimitishun ui uapatallieuatsh tan tshipa mashinaiteu nelu utipelitimun-mashinaikanau Pekuakamiulnuatsh ne tshe tutaka shkan takuatshisht 2021 usham ui mussanamuatsh mashtel minuatsh tan itelitakanitsh mak tshetshi uihtaka Pekakamiulnuatsh eshk eka mashinatutishunantuash e tapuetatishinantuash tshe shiship-pishim^U 2022 ne tshe ui utinakanitsh tshitshue-mashinaikan.

Ne tshe tutakanitsh, Ka atussehtikau Tipelimitishun tshika tshimatauatsh nitshishkatuna tshetshi nitituata nitshenatsh Pekuakamiulnuatsh ka ui pishtenaka tan eshi uapataka nelu mak tshetshi mashinaika tan itelitika makie tshipatshi pehtakushuatsh.

KAU UIHTAKANU UTATUSSEUNUAU KUHPANIESHATSH KA ATUSESHTIKA TIPELIMITISHUN

- Tshe natshishkuek ui nanitu tshisselitamuatsh kie tshika kukuetshimakunau Pekuakamiulnuatsh Peikuitsh ka ishilniuik;
- Mashinatehekanu Tan tshe eishi nashekanitsh ka ui pukuhitishunantuash;
- Tshe tshishtakanitsh ne mashinaikan ka tutakau tshika milakanuatsh mashinaikanlu Pekuakamiulnuatsh;
- Tshitapahtamuatsh tshe tutakanitsh tshetshi tapuetamuk ne Tan tshe eishi nashekanitsh ka ui pukuhitishunantuash Pekuakamiulnuatsh Peikuitsh ka ishilniuik.

Nashunan mishue nite e taiatsh!

Uihtamunan e takuatsh tshi kukuetshimunuau makie ui uihtamek tan itelitamek!

Mashitatutishuk tshetshi kashtinamek nitaimunan nite ka atusseu-tshitapatakanitsh ui kashtinamek kassiu tipatshimuna!

Ka mamu atusseshtakau Tipelimitishun

1514, rue Ouiatchouan, Mashteuiatsh (Québec) GOW 2H0

418.275.0905 • Takapitshenikan apu tshishikashunantuash: 844.904-0905

 constitution@tipelimitishun.com

 Commission Tipelimitishun  www.tipelimitishun.com

